

«11» օգոստոսի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով մաքսային ձևակերպումների մասնագետ Սամվել Գևորգի Ղարապյոզյանի վերաբերյալ նյութերը.

Պ Ա Ր Զ Ե Ց Ի՝

«Թուֆէնքժի գրուպ» ՍՊ ընկերության անվամբ 20.08.2018թ. թիվ 05100011/200818/0018013, 24.09.2018թ. թիվ 05100011/240918/0020906, 30.04.2021թ. թիվ 05100011/300421/0013238 և 30.04.2021թ. թիվ 05100011/300421/0013228 ապրանքների հայտարարագրերով ՀՀ է ներմուծվել և ԵԱՏՄ ԱՏԳ ԱԱ 3003 90 000 0 ծածկագրով հայտարարագրվել թվով 7 տեսակի դեղամիջոց: ՀՀ ՊԵԿ հետքացթողումային հսկողության վարչության աշխատակիցները իրականացրել են արտագնա մաքսային ստուգում «Թուֆէնքժի գրուպ» ՍՊ ընկերությունում և հայտնաբերել, որ տարբեր անվանմամբ դեղորայքը հայտարարագրվել է ծածկագրի վերաբերյալ ոչ ճշգրիտ տեղեկություններով:

Ուսումնասիրության արդյունքում պարզվել է, որ հայտարարագրված ապրանքները հանդիսանում են դեղապատիճներով, դեղահատերով կամ բլիստերներով դոզավորված դեղամիջոցներ, որոնց վերաբերյալ ներկայացվել է համապատասխան տեղեկատվություն ՀՀ ՊԵԿ մաքսային հսկողության վարչություն՝ ապրանքի դասակարգման վերաբերյալ համապատասխան որոշում կայացնելու համար:

ՀՀ ՊԵԿ մաքսային հսկողության վարչության 01.07.2021թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՈ-21-000045, ԱԴՈ-21-000046, ԱԴՈ-21-000047, ԱԴՈ-21-000048, ԱԴՈ-21-000049, ԱԴՈ-21-000050 և ԱԴՈ-21-000051 որոշումների համաձայն՝ «Ֆլուկոնազոլ դեղապատիճներ 150մգ», «Ցեֆեկոկսիբ դեղապատիճներ 200մգ», «Կլոպիդոգրել դեղահատեր 75մգ», «Իբուֆեն դեղահատեր 600մգ», «Պանտոպրազոլ նատրիում դեղահատեր 40մգ», «Ֆեքսոֆենադինի հիդրոքլորիդ (ֆեքսոդին) դեղահատեր 120մգ» նկարագրությամբ ապրանքատեսակները դասակարգվում են **ԵԱՏՄ ԱՏԳ ԱԱ 3004 90 000 9** ծածկագրով (մաքսատուրքի դրույքաչափը հայտարարագրերի գրանցման օրերի դրությամբ՝ 2018թ. 0%, 2021թ. 3%), իսկ «Ամօքսիցիլինի տրիհիդրատ (Տիամոքս) դեղապատիճներ 500մգ, բլիստերում» ապրանքատեսակը՝ **3004 10 000 4 ծածկագրով** (մաքսատուրքի դրույքաչափը հայտարարագրերի գրանցման օրերի դրությամբ՝ 2018թ. 0%, 2021թ. 3%):

Իրականացված արտագնա մաքսային ստուգման արդյունքում 06.07.2021թ. կազմվել է թիվ 0040-Ա ստուգման ակտը և «Թուֆէնքժի գրուպ» ՍՊ ընկերությանն առաջարկվել է կատարել վերահայտարարագրում ԵԱՏՄ ԱՏԳ ԱԱ ճշգրիտ ծածկագրերին համապատասխան՝ վճարելով պակաս վճարված մաքսային վճարները: Արտագնա մաքսային ստուգման նյութերն ուղարկվել են ՀՀ ՊԵԿ իրավաբանական վարչություն մաքսային կանոնների խախտման հատկանիշների հարցը պարզելու համար:

Նյութերի ուսումնասիրման արդյունքում պարզվել է, որ 20.08.2018թ. թիվ 05100011/200818/0018013, 24.09.2018թ. թիվ 05100011/240918/0020906 ապրանքների հայտարարագրերը ներկայացրել է Սամվել Գևորգի Ղարապյոզյանը: 2021 թվականի հուլիսի 26-ին դեղահատերի ծածկագրի վերաբերյալ ոչ ճշգրիտ տեղեկություններ ներկայացնելու փաստի կապակցությամբ ՀՀ ՊԵԿ իրավաբանական վարչությունում Սամվել Գևորգի Ղարապյոզյանի նկատմամբ ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության

հատկանիշներով կազմվել է մաքսային կանոնների խախտման վերաբերյալ արձանագրություն, որի մեկ օրինակն ուղարկվել է նրան:

Սամվել Ղարազյոզյանը բացատրություն է տվել այն մասին, որ «Թուֆէնքժի գրուպ» ՍՊ ընկերության կողմից ներկայացված հաշիվ-ապրանքագրի և ՀՀ առողջապահության նախարարության հավաստագրի հիման վրա կատարել է հայտարարագրում և ընտրել է ԱՏԳ ԱԱ 3003 ապրանքային դիրքը: Ներմուծված դեղահատերը եղել են պոլիէթիլենային տոպրակներով համալրված ՊՎՔ տարաների մեջ՝ չփաթեթավորված վիճակում:

Վարչական վարույթի ընթացքում 17.07.2021 թվականի թիվ 11/11-3/44032-2021 գրությամբ հարցում է կատարվել «Թուֆէնքժի» ՍՊ ընկերության տնօրեն Անա Մարիա Այվազյան Դավիդյան Անտոնիդին, պարզելու՝ թե արդյո՞ք հայտարարագրման ընթացքում մաքսային ձևակերպումների մասնագետները դիմել են Կազմակերպությանը հավելյալ փաստաթղթերի կամ լրացուցիչ տեղեկությունների տրամադրման համար, միաժամանակ հայտնել Ձեր կողմից ներկայացված փաստաթղթերը բավարար էին ճշգրիտ հայտարարագրում կատարելու համար և արդյո՞ք վերջիններս հատկացված փաստաթղթերի ուսումնասիրման արդյունքում կարող էին պարզել, որ «Ֆլուկոնազոլ դեղապատիճներ 150մգ», «Ցելեկոկսիբ դեղապատիճներ 200մգ», «Կլոպիդոգրել դեղահատեր 75մգ», «Իբուֆեն դեղահատեր 600մգ», «Պանտոպրազոլ նատրիում դեղահատեր 40մգ», «Ֆեքսոֆենադինի հիդրոքլորիդ (ֆեքսոդին) դեղահատեր 120մգ», «Ամօքսիցիլինի տրիհիդրատ (Տիամոքս) դեղապատիճներ 500մգ, բլիստերում» ապրանքատեսակները հանդիսանում են դեղապատիճներով, դեղահաբերով կամ բլիստերներով դոզավորված դեղամիջոցներ, ինչպես նաև մաքսային միջնորդները կարո՞ղ էին հասկանալ ապրանքատեսակի բնութագրական հատկանիշների և նկարագրությունների մասին և ճշգրիտ ծածկագրով հայտարարագրել, միաժամանակ, հնարավորության դեպքում տրամադրել պարզաբանում նշված ապրանքատեսակները հայտարարագրելիս «Թուֆէնքժի» ՍՊ ընկերության կողմից տրամադրված լրացուցիչ փաստաթղթերի (օր. նախնական զննման արձանագրություն, տեղեկանք) և տեղեկությունների վերաբերյալ, սակայն վերջինս պատասխան չի ներկայացրել:

«Թուֆէնքժի գրուպ» ՍՊ ընկերության և «Բրոկուս» ՍՊ ընկերության միջև 31.05.2018 թվականին կնքված մաքսային միջնորդական ծառայությունների մատուցման պայմանագրի 1.1 կետի համաձայն՝ հայտարարատուն հանձնարարում է, իսկ մաքսային ներկայացուցիչը պարտավորվում է հայտարարատուին մատուցել վերջինիս կողմից ՀՀ սահմանով տեղափոխվող ապրանքների մաքսային ձևակերպումներին ուղղված գործողություններից մաքսային հայտարարագրի կազմման և մաքսային մարմին դրա ներկայացման, ընդունման ծառայությունը՝ պատվիրատուի տրամադրած փաստաթղթերի, գրավոր կամ բանավոր տեղեկությունների հիման վրա, իսկ պատվիրատուն պարտավորվում է ընդունել նշված ծառայության արդյունքը և վճարել դրա համար: 3.1 կետի համաձայն՝ ծառայությունը մատուցելիս մաքսային ներկայացուցիչը մաքսային մարմիններում հանդես է գալիս ի դեմս Պայմանագրի «1.4» կետում նշված անձանց՝ գործելով ապրանքներ տեղափոխողի անունից՝ նրա կողմից պայմանագրով տրված հանձնարարությամբ, վերջինիս հաշվին:

ԵԱՏՄ մաքսային օրենսգրքի (այսուհետ՝ Օրենսգիրք) 2-րդ հոդվածի 32-րդ կետի համաձայն՝ «մաքսային հայտարարագիրը» մաքսային փաստաթուղթ է, որը պարունակում է տեղեկություններ ապրանքների վերաբերյալ կամ ապրանքների բացթողման համար անհրաժեշտ այլ տեղեկություններ, իսկ 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ: 35-րդ կետի համաձայն՝ մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային

ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է:

Օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: ԵԱՏՄ մաքսային օրենսգրքի 105-րդ հոդվածի համաձայն՝ մաքսային ընթացակարգերով ձևակերպելիս, բացառությամբ «մաքսային տարանցում» մաքսային ընթացակարգի, մաքսային մարմին է ներկայացվում ապրանքների մասին հայտարարագիր: ԵԱՏՄ մաքսային օրենսգրքի 106-րդ հոդվածով սահմանվում են ապրանքների հայտարարագրերում նշման ենթակա տեղեկությունները: 106-րդ հոդվածի 1-ին մասի 4-րդ կետի համաձայն՝ հայտարարագրում նշվում են տեղեկություններ ապրանքների մասին, որոնց մեջ ի թիվս այլոց նշվում է անվանումը, նկարագրությունը, որն անհրաժեշտ է այն մաքսային վճարների, հատուկ, հակազնազցման, փոխհատուցման տուրքերի և այլ վճարների հաշվարկման և գանձման համար, ապրանքների ծածկագիրը՝ Արտաքին տնտեսական գործունեության ապրանքային անվանացանկին համապատասխան:

Օրենսգրքի 20-րդ հոդվածի 1-ին մասի համաձայն՝ հայտարարատուն և այլ անձինք ապրանքների դասակարգումն իրականացնում են ԱՏԳ ԱԱ-ին համապատասխան՝ մաքսային հայտարարագրման ժամանակ: Առևտրային, տրանսպորտային (փոխադրման) և (կամ) այլ փաստաթղթերում, ինչպես նաև եզրակացություններում, տեղեկանքներում, փորձագիտական հիմնարկների կողմից տրվող փորձաքննության արձանագրություններում նշված ապրանքների ծածկագրերը պարտադիր չեն ապրանքների դասակարգման համար: Օրենսգրքի 84-րդ հոդվածի 3-րդ կետի համաձայն՝ հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու համար:

Օրենսգրքի 404-րդ հոդվածի 1-ին մասի համաձայն՝ մաքսային գործառնություններ իրականացնելիս մաքսային ներկայացուցիչն ունի նույն իրավունքները, որոնք ունի այն անձը, որը լիազորում է նրան ներկայացնելու իր շահերը մաքսային մարմինների հետ փոխհարաբերություններում: 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել սույն Օրենսգրքով սահմանված և (կամ) անդամ պետությունների՝ մաքսային կարգավորման վերաբերյալ օրենսդրությամբ սահմանվող այլ պարտականություններ:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով և Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և

տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, առաջացնում է տուգանք՝ այդ մաքսային վճարների 50 տոկոսի չափով:

Մաքսային կանոնների խախտումների վերաբերյալ վարույթի շրջանակում հաստատվել է այն հանգամանքը, որ մաքսային ձևակերպումների մասնագետ Սամվել Գևորգի Ղարապյոզյանը դեղորայքի փաթեթավածքներից կարող էր պարզել, որ դեղորայքը կազմված է երկու կամ ավելի բաղադրատարրերի խառնուրդից, նախատեսված է թերապևտիկ և կանխարգելիչ նպատակներով օգտագործման համար, բաժնեծրարված է դեղաչափված դեղաձևերով և գտնվում է տարաներում կամ փաթեթավածքներում մանրածախ վաճառքի համար, ուստի պետք միջոցներ ձեռնարկել համապատասխան ծածկագրով դասակարգելու համար:

Վարչական վարույթի շրջանակներում 10.08.2021թ. թիվ Ն/11-3/142045-2021 գրությամբ հարցում է կատարվել ՀՀ ՊԵԿ հետբացթողումային հսկողության վարչություն՝ պարզելու համար, թե արդյո՞ք 20.08.2018թ. թիվ 05100011/200818/0018013, 24.09.2018թ. թիվ 05100011/240918/0020906 ապրանքների հայտարարագրերով դեղորայքի ճշգրիտ ծածկագրով հայտարարագրման դեպքում առաջանում են պակաս հաշվարկված մաքսային վճարներ, թե՛ ոչ, եթե այո, ապա ո՞րքան են կազմում:

Ի պատասխան 11.08.2021թ. թիվ Ն/9-2/143526-2021 գրության համաձայն՝ «Թուֆէնքժի գրուպ» ՍՊ ընկերության կողմից 20.08.2018թ. թիվ 05100011/200818/0018013 և 24.09.2018թ. թիվ 05100011/240918/0020906 ապրանքների հայտարարագրերով ՀՀ ներմուծված և ԵԱՏՄ ԱՏԳ ԱԱ 3003 90 000 0 ծածկագրով հայտարարագրված դեղամիջոցների վերաբերյալ ՀՀ ՊԵԿ հետբացթողումային հսկողության վարչության 06.07.2021թ. թիվ 0040-Ա արտագնա մաքսային ստուգման ակտում լրացուցիչ գանձման ենթակա մաքսային վճարներ չեն հաշվարկվել, քանի որ ԵԱՏՄ ԱՏԳ ԱԱ 3004 90 000 9 և ԵԱՏՄ ԱՏԳ ԱԱ 3004 10 000 4 ծածկագրերով ներմուծված ապրանքների համար 2018 թվականի ընթացքում մաքսատուրքի դրույքաչափը կազմել է 0%:

Մաքսային ձևակերպումների մասնագետ Սամվել Գևորգի Ղարապյոզյանը 2021 թվականի օգոստոսի 11-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 203-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ, սակայն վերջինս չի ներկայացել:

Այսպիսով, գործի նյութերով պարզվել է, որ ՀՀ-ում գործող «Թուֆէնքժի գրուպ» ՍՊ ընկերության անվամբ 20.08.2018թ. թիվ 05100011/200818/0018013, 24.09.2018թ. թիվ 05100011/240918/0020906 ապրանքների հայտարարագրերով ՀՀ ներմուծված «Ֆլուկոնազոլ դեղապատիճներ 150մգ», «Ցելեկոկսիբ դեղապատիճներ 200մգ», «Կլոպիդոգրել դեղահատեր 75մգ» անվամբ դեղորայքը Սամվել Գևորգի Ղարապյոզյանը հայտարարագրել է ոչ ճշգրիտ ԵԱՏՄ ԱՏԳ ԱԱ 3003 90 000 0 ծածկագրով, ինչի հետևանքով չեն առաջացել պակաս հաշվարկված մաքսային վճարներ, ինչպես նաև չի առաջացել ոչ սակագնային կարգավորման ներկայացման պահանջ, այսինքն՝ Ս. Ղարապյոզյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 1-ին պարբերությամբ նախատեսված մաքսային կանոնների խախտում, ինչը ին մասի 1-ին պարբերությամբ նախատեսված մաքսային կանոնների խախտում, ինչը հիմնավորվում է ՀՀ ՊԵԿ մաքսային հսկողության վարչության 01.07.2021թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» որոշումներով, 06.07.2021թ. թիվ 0040-Ա ստուգման ակտով, 20.08.2018թ. թիվ 05100011/200818/0018013, 24.09.2018թ. թիվ 05100011/240918/0020906 Ա/Հ-ով, Սամվել Գևորգի Ղարապյոզյանի

բացատրությամբ, ՀՀ ՊԵԿ հետքացթողումային հսկողության վարչության 11.08.2021թ. թիվ Ն/9-2/143526-2021 գրությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 1-ին պարբերությամբ, 206-րդ և 221-րդ հոդվածներով,

Ո Ր Ո Շ Ե Ց Ի՝

1. Սամվել Գևորգի Ղարազյոզյանին (նույնականացման քարտի համար՝ 000901025) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 1-ին պարբերությամբ 20.08.2018թ. թիվ 05100011/200818/0018013 և 24.09.2018թ. թիվ 05100011/240918/0020906 Ա/Հ-ների մասով և նրան տուգանել 100000 ՀՀ դրամ: /900005024055 (կող-19) հաշվեհամարին/

2. Որոշման մասին հայտնել Ս. Ղարազյոզյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ այն կայացնելուց հետո 10 օրվա ընթացքում կամ Վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏ՝



Ա. ՄԱՅԱԿԱՆՅԱՆ